



Kommune Kujalleq

Kulturimut, Sunngiffimmut Pitsaaliuinernullu Ingerlatsivik
Forvaltning for Kultur, Fritid & Forebyggelse
3920 Qaqortoq

Qinngasaarisarneq

Siunertaq:

Qinngasaarisarnerup akioneratigut inuttaasut toqqisisimasumik peqqinnarnerusumillu inuuneqarnissaat Kommune Kujalliup anguniarpaa.

Anguniakkat:

Qinngasaarisarnermik pitsaaliuineq Kommune Kujalliup suleqataaffigissavaa.

Kommune Kujallermi innuttaasut qinngasaarisarnerat annikillisarniarlugu meeqqanut meeqperivinniittunut atuarfinnilu atuartunut 'Kammagiitta'-p atuartitsissutigineqartarnissaa anguniarneqassaaq, tamatumani ataavartumi atuartitsinermut sammisaqartitsinermut ilaavissunngortinneqarnissaa siunertaavoq.

Periarfissat pioreersut atorluarnerisigut, ineriartorteqqinnerisigut neqeroorutaasullu ersarissarnerisigut qinngasaarisarneq pinaveersaartinneqartassaaq.

Suliffeqarfiit, timersoqatigiiffiit, peqatigiiffiit angajoqqaallu suleqatiginerisigut qinngasaarisarneq pinaveersaartinniarlugu paasititsiniaanerit annertusarneqassapput. Ilaatigut meeqqanut, inuusuttunut, inersimasunut utoqqarnullu neqeroorutit naleqqussarnerisigut tamanna pissaaq.

Qinngasaarisarneq ingutsisarnerlu annikillisarniarlugit angajoqqaanut suliffeqarfinnullu tamanut qaammarsaasoqassaaq, ilaqutariit sulisullu peqqissut, piunassuseqarluartut nukissaqarluartullu piginiarlugit.

Kommune Kujallermi illoqarfinni, nunaqarfinni savaateqarfinnilu tamani qinngasaarisarnermik ingutsisarnermillu pinaveersaartitsiniarlutik ilitersuinermik ingerlatsisinnaasunik pilersitsinissaaq anguniarneqassaaq.

Qinngasaarisarneq ingutsisarnerlu pinaveersaartinniarlugu peqqinnissamik siusinaartumik siuarsaanermi inunnik sullissisut, angajoqqaat, kommunip sulisui kiisalu namminneq kajumissutsiminnik sulerusuttut suleqatigineqassapput.

Periutsit:

Kommune Kujallermi qinngasaarisarneq ingutsisarnerlu pinaveersaartinniarlugu oqallitsitsinerit paasititsiniaanerillu saqqumisunngortinneqassapput.

Angajoqqaat, suliffeqarfiit, timersoqatigiiffiit peqatigiiffiillu suleqatigilluarnerisigut paasititsiniaanerit annertusarneqassapput.

Kommune Kujalleq

Postboks 514
3920 Qaqortoq.

**Kommune Kujalleq**

Kulturimut, Sunngiffimmut Pitsaaliuinernullu Ingerlatsivik
Forvaltning for Kultur, Fritid & Forebyggelse
3920 Qaqortoq

Innuttaasunik qaammarsaaneq oqallititsinerit tusagassiuutillu aqutigalugit ingerlanneqassaaq.

Qinngasaarisarneq ingutsisarnerlu pinaveersaartinniarlugu paasititsiniaanerit suliffeqarfinnilu pikkorissaanerit pilersaarusiornerini inunnik sullissisut, kommunip sulisui kiisalu qinngasaarisarnermik pinaveersaartitsiniarlutik ilitsersuisartut suleqataarusuttut suleqatiserineqassapput.

Timersoqatigiiffiit peqatigiiffiillu suleqatigalugit meeqqanut inuusuttunut, inersimasunut, utoqqarnullu ataatsimoorfinni sammisassaqaartitsinerit annertusarneqassapput.